

馮氏錦囊秘錄
卷十四

亥23

37415



卷十四 兒科腫脹

方脉吞酸噎氣合參

淋症大小總論合參

方脉夢遺精滑白濁合參

黃疸大小總論合參

方脉腫脹合參

方脉呃逆合參

方脉小便不通合參

陰囊漏氣

附錄

方脉噎膈翻胃關格合參

方脉痞悶合參

方脉小便不禁合參

方脉陽痿

方脉嘈雜合參

兒科清血白濁

疝症大小總論合參



南京中医药大学图书馆版权所有

馮氏錦囊秘錄

卷十四 疝

馮錦囊秘錄雜症大小合參卷十四

羅如桂丹臣

海鹽馮兆張楚瞻甫纂輯

門人孫顯達惟良全較

男 乾元龍周

兒科腫脹

百病之始生莫不由六淫七情之所致。若夫腫脹尤特甚焉。然有脾虛水腫鼓脹。脹滿膚脹虛腫。在臟在腑之分。小兒臟腑嬌嫩。乳食不節。脾一受傷。不能制水。流溢皮膚。然症有三。疳水。積水。驚水也。疳水者。心脾虛損。面黃脚腫也。積水者。五積在腹。結化為十也。驚水者。重疊受驚。心火燥



濕過飲停蓄也。然水氣而脉浮大滑實者，生以其在表而
未大虛也。沉細虛微者，死以其在裏而虛極。兼之陽虛則
不能化陰也。有脾胃受濕，不能運化，氣浮四肢頭面皆腫
者，此名濕腫。有食毒并諸毒氣，停留胃脘，是以入腹作腫
者，此名毒氣腫也。有傷寒下之太早，是以乘虛入腹而作腫
者，此名傷寒腫也。更有虛腫者，凡諸大病之後，氣血兩虛，
中氣不固，皆能外浮而為腫。晨起而浮，午後足腫，若元氣
未耗而亟養胃調脾，則腫不治而日退。其水腫者，脾虛受
濕，是以榮衛留止，脾失健運，肺失輸降，水氣上侵，目窠浮
腫，腹大而白，足脛皆腫，而如水。手按成窠而即起，光腫如

泡者是也。失治則皮爛水流。若遍體成瘡者可治。虛陷者危矣。更有十種水之分。如氣短不得卧者爲心水。兩脇膨痛者爲肝水。大便驚漉者爲肺水。四肢苦重者爲脾水。腰痛足冷者爲腎水。口苦咽乾者爲膽水。乍虛乍實者大腸水。腹急肢瘦者膀胱水。小便閉澀者爲胃水。小腹急滿者小腸水。更有氣聚膀胱而致陰囊亦腫者。總而論之。腎虛不能行水。脾虛不能制水。胃爲水穀之海。虛則不能傳化。是以泛濫。反得浸漬脾上。於是三焦停滯。經絡壅塞。氣留於臟而爲脹。水溢於皮膚而爲腫。宜先益氣補中。切勿徒投滲泄鼓脹者。心腹脹滿。且食不能暮食。形如鼓脹。色蒼

黃腹筋起。又名單鼓。外雖堅滿。中空無物。脹滿者。心腹病。
脹。噎氣妨食。氣短煩渴。面黃皮薄。而光肢瘦肌慄。而咳。
短便閉。此乃脾虛之甚。治宜大補中氣。佐以行濕。
益氣。金匱腎氣。兼而服之。膚服者。脾胃卒傷。風寒。
氣泊流。周身盡腫。按其服。背而不起。倦言懶食。吞酸。
治宜燥濕和中。然氣虛而腫者。名曰氣蠱。血虛而腫者。
名曰血蠱。榮衛俱虛者。名曰氣血蠱。凡腫先起於腹。而散於
四肢者。可治。自四肢而歸於腹者。難療。并蠱脹而腹有青
筋。脹滿而大便滑瀉。面青作喘者。單腹脹而面目手足硬
者。唇黑腫傷肝。缺盆平。傷心。臍突平。傷脾。足心平。傷腎。背

平傷肺。男從足腫而上。女從身腫而下。或肉硬或手掌下
外腎脹極。囊莖腫腐。臍間青黑。喘促煩渴。身浮青紫。或身
似枝色。偏膚生斑。自利畏食。唇縮枯澁。小便不禁。及是紫
黑斑點。漸若雲片者。並皆不治。

大抵因水因濕者。下先腫。因風因火者。上先腫。陽水脉沉
數。陰水脉沉遲。故腰以上腫。宜發汗。腰以下腫。宜利水。身
熱者在表。宜汗。身不熱者在裡。宜下。此常論也。然不可用
大戟甘遂之劑。倘水氣乘虛復至。更將何以治之。卽腫脹
有因積而得者。倘去積而腫再作。小便不利者。若再用利
藥。小便愈閉。醫多束手。蓋此多因中焦氣不升降。爲寒所

隔水閉不行。惟脹沉附湯類。小便自通。喘滿自退矣。

腫脹症候。若脾虛氣未出。腹脹不腫不喘者。或以補

或借消為補。務使脾能健運。腎能閉藏。則祖氣有

拔元氣深藏而有源。何有為脹為滿之患哉。若不

則虛氣已出。附肺而行。入於四肢面目。是以通浮

如行兵戰寇。未出林也。攻之必獲。既出林矣。攻之必失。至

此又當以意漸收之。蓋標症雖似有餘。本症實由不足也。

方脈腫脹合參

帝曰。脈之應於寸口。如何而脹。伯曰。其脈大堅以澀者。脹

也。邪盛則氣邪實則堅。澀者氣血虛而不流利也。洪大之

脈。陰氣必衰。堅者之脈。胃氣必損。故大堅以澀。病當為



脹是以脾其坤靜之德而有乾健之運故能使心肺之傷
降肝腎之陰升而成天地之泰是爲平人今也七情內傷
六淫外感飲食失節房勞致虛脾土之陰受傷轉運之官
失職胃雖愛穀不能運化是以心肺之陽不能降腎加之
陰不能升而成天地不交之否清濁相混隧道壅塞鬱而
爲熱熱留爲濕濕熱相生遂成脹滿本無形之氣爲病難
作有形之症調理有謂秋夏冬治之稍易惟春最難者以
其木旺而土受尅不能制水也然輕者俱易貫者俱難不
獨春也名鼓者以其中空外浮取其象而名之也更名蠱
者以其侵蝕之害取其義而名之也治者宜補其脾又須

養肺金以制木使脾無賊邪之患滋腎陰以制火使肺得清化之令脾肺腎之氣交通則水穀自然剋化却鹹味之妄想無有不安醫者急於取效病者苦於脹滿喜行利藥以求通快不知寬得一日半日其脹滿病邪愈甚而元氣轉傷矣又有標實而本虛者瀉之不可補之無功極爲危險全在杜微防慚標本得宜使脾胃之元陽生發而陰邪之凝滯釋然矣

水腫鼓脹皆因脾虛所致然水腫輕而鼓脹重何也水腫則飲食如常鼓脹則飲食不及常也先頭足腫後腹大者水也腫必先腹大後四肢腫者氣也脹也治水腫則惟補

脾導水而已。治鼓脹則補脾導水兼以消穀。庶乎可也。雖然鼓脹有氣血寒熱四者之殊。多由怒氣傷肝。木邪克土。所以脾病而不能運化水穀也。又要養肺金以制脾木。使脾無賊邪。則運化行而水穀消矣。以此觀之。治鼓脹之法。必以補脾制肝導水消穀爲主。看所挾而兼用藥。挾氣則散氣。挾血則破血。挾寒則溫寒。挾熱則清熱。自無不愈。其有不可治者。此乃脾虛之極。爲真臟病也。真臟病者。由真火不能生土耳。豈止脾臟而已哉。

人有行房用力過度。則汗出於腎。經言汗出於腎。逢於風。內不得入於臟腑。外不得越於皮膚。客於玄府。行於皮膚。馬氏綿囊必錄雜症卷十一 方脈腫脹合參

傳於附腫本之於腎名曰風水治宜滋腎散風如四物湯加荆防羌柴防己之類不可作脾虛濕腫而用參朮天利水之藥愈使風邪內陷

火性炎上水性潤下消渴證不交而火偏盛也水氣證不交而水偏盛也治之之法在制其偏而使之相濟故小水不能化大水必先瀉其水後補其火開鬼門是發汗瀉在表在上之水也潔淨府謂利小便瀉在裏在下之水也水勢既減然後用暖藥以補元氣此治實治熱之次第也若不明虛實寒熱專守下則脹已之一法雖得少寬於一時真氣愈衰未幾而腫脹再作遂致不救矣故涉虛者溫補



脾腎如腎氣丸之類補中微瀉便其漸次康復然王道無
近功必以緩取效古今明醫豈不知剋伐之功速而曠日
持久亦以中氣既衰恐蹈虛虛之禍耳中滿者其症悉與
鼓脹水腫無異何故屬之氣虛氣虛者腎中之火氣虛也
中滿者中空似鼓虛滿而非實滿也經曰諸濕腫滿皆起
於脾又曰其本在腎其末在肺皆聚水也諸經雖皆有腫
脹無不由於脾肺腎者蓋脾土主運行肺金主氣化腎水
主五液凡五氣所化之液悉屬於腎五液所行之氣悉屬
於肺轉輸二臟以制水生金者悉屬於脾若脾不能散胃
之水精於肺而病於中肺不能通胃之水道於膀胱而病

於上腎不能司胃之關門時其輪泄而病於下是以胃土不能制腎水水逆而上行傳入於肺故水雖制於脾而實主於腎蓋腎本水臟而元陽生氣所由出若腎中陽虛則命門火衰既不能自制陰寒又不能溫養脾土陰陽不得其正則化而爲邪也治者惟知泄水而不知益胃或知益胃而不知溫腎故多下之強令水出不依天度流轉故胃氣愈虛腎陽愈損則發而不能制也莫若行其所無事則爲上計何舉手便用內經去菀陳莖開鬼門潔淨府如舟車九禹功散之類若真知爲水濕之氣客於中焦侵於皮膚如水晶之光亮手按之隨起者以前藥一服而退若久

病大病後或傷寒瘧痢後。女人產後小兒痘後與夫元氣
素弱者。槩以前法施之。脾氣愈泄。愈虛。不可復救矣。故治
腫者。先以脾土為主。須補中益氣。或六君子湯。溫補之。再
以金匱腎氣丸補土之母。脾脾強土旺。則能散精於肺。通
調水道。下輸膀胱。水精四布。五經並行矣。或者疑謂喘脹
水滿。又加純補之劑。恐益脹滿。必須補藥中。加行氣利水
之品。此論似得病情。終非納氣藏源至理。蓋肺氣既虛。不
可復行。其氣腎水已衰。不可復利。其水純補之劑。初時似
覺不快。過時藥力得行。則氣歸者自歸。而行者自行。如土
之在而中。則爲泥。得和風暖日。則濕去而陽和自得。萬物

生長矣。

東垣曰：中滿治法，當開鬼門，潔淨府，瀉之於內，謂脾胃有病，令上下分消其濕，下焦如瀆，氣血自然分化。如大實大滿，大小便不利者，從權以寒熱藥下之，此以論中有條之症也。至於補腎以治腫，其說難明。蓋禹之治水，行其所無事也。若一事疏鑿，則失之矣。今人之治水者，牽牛大戟，粗工之小智，正禹之所惡也。間有五苓五皮者，以為中正亦轉利，轉虛腎氣愈衰而愈不能推送矣。故須用補腎經曰：腎開竅於二陰，腎氣化則二陰通，二陰閉則胃填脹，腎者胃之關，關門不利，故水聚而從其類也。經又曰：腎主下。

焦三焦者決瀆之官水道出焉。膀胱者州都之官津液藏焉。必待三焦之火化始能出也。其三焦之經在上者手少陰中散落心包在下者出於委陽上絡膀胱上佐天道之應化下佐地道之發生與手厥陰爲表裏以應諸經之使者也是故腎虛者下焦之火虛也。雖小便之清長必由於腎金之輪化然膀胱之氣旺始能吸胸中之氣以下行但腎與膀胱爲表裏膀胱之失運化必由腎氣之衰微故始因火小不能化水後則水大火不能化矣。經曰三焦病者氣滿小腹光堅不得小便溢則水留而爲脹。仲景金匱腎氣丸補而不滯通而不泄誠治腫之神矣。